
"Прокурор дарси" ташкил этилди

Ўзбекистон тумани 44-сонли умумтаълим мактабида Ўзбекистон туман прокурори ёрдамчиси Ж. Хотамов иштирокида "Прокурор дарси" ташкил этилди.

Ўзбекистон Республикаси Прокуратураси ташкил этилганлигининг 30 йиллиги муносабати билан ўқувчилар учун ташкил этилган очиқ дарс мазмунли ўтди.



Машғулот давомида ўқувчиларга Ўзбекистон Республикаси Бош Прокуратураси, прокуратура органларини ташкил этиш ва уларнинг фаолият юритиш тартиби, прокуратура органларининг асосий вазифалари ҳақида маълумот берилди.

Дарс жараёнлари кўтаринки кайфиятда ўтказилиб, прокуратура органлари фаолияти тўғрисида видеоролик, слайд ва тестлар тақдим этилди.



Ўқувчилар ўзларини қизиқтирган саволлари билан прокурор ёрдамчисига муурожаат қилишди ва барча саволларига жавоблар олишди.

Прокуратура ташаббуси билан ташкил этилаётган бу каби очиқ дарс жараёнлари тумандаги бошқа таълим муассасаларида ҳам давом этмоқда.

2021-11-20 10:10:05